

Aalisarneq pillugu Inatsisartut Inatsisaat allanngorteqqullugu imaalillugu Kalaallit Nunaata kitaani raajanut TAC-ip agguaannejernerani sinerissap qanittuani aalisartunut avataasiortunullu assigiimmik 50/50-ngortillugu suliareqqullugu Naalakkersuisut peqquneqarnissaannik Inatsisartut aalajangiiffigisassatut siunnersuut.

(Inatsisartunut ilaasortaq Nikolaj Jeremiassen, Siumut)

Akissuteqaat

(Aalisarnermut Piniarnermullu Naalakkersuisoq)

Aappassaaneerneqarnera

Naalakkersuisut sinnerlugit Inatsisartut Aalisarnermut, Piniarnermut Nunalerinermullu Ataatsimiitaliaat siunnersummik peqqissaarussillutik suliaqarsimancerannut qujassuteqassaanga. Aamma ataatsimiititap Inatsisartut Aalisarneq pillugu Inatsisaanni avataasiorlutik sinerissallu qanittuani aalisartut aalisariutaannut TAC-p agguaannejarterannerannut atuutsit-silfersimanermut atatillugu oqaluttuassartaanik suliaqarsimancerannut qujassuteqarusullunga.

Naalakkersuisut ilisimavaat Inatsisartut Upernaakkut 2015-imi ataatsimiinnerminni Aalisarneq pillugu Inatsisartut Inatsisaanni nr. 18, 31. Oktober 1996-imeersumi § 14 atuutsinnejerneranut atatillugu aningasaqarnikkut kingunerisassanik misissueqqullugit periarfisanillu ujartueqqullugit Naalakkersuisut peqquneqarnissaannik aalajangiisoqarmat, taamaa-silluni raajanut qaleralinnullu piffissaligaannngitsumik akuersissuteqartarnerup ukiunik tallimanik siumut ilisimatitsereernikkut periarfissiisumik piffissalerlugit akuersissutitut atuutsineqalernissaannik. Naalakkersuisut peqquneqarnertik malillugu misissuititsereerput. Misissuititsisimaneli kinguneratigut naammaginartutut isigineqarsimangilaq taamaasillutillu Naalakkersuisut itisiliinerusunik misissuititseqqinnissamik pisariaqartitsimapput. Naalakkersuisut naleqqussorisimangilaat misissuititsinermik assilissamik tamakkiisumik takutitsingitsumik saqqummiussaqassallutik. Ukiamut ataatsimiinnissami 2017-mi siunnerfeqartumik Naalakkersuisut suli Aalisarneq pillugu Inatsisartut Inatsisissaattut siummersummik saqqummiussissallutik sulippot aamma tassunga atatillugu, Naalakkersuisut naatsorsuutigivaat misissuisimanerit pisariaqartinneqartut saqqummiunneqarnissaannik.

Ataatsimiititap isumaliutissiissuteqarnermini allannguutissatut siunnersummik imaattumik saqqummiussaqarpoq:

“Aalisarneq pillugu inatsisissap saqqummiunneqarnissaanut atatillugu inatsisip allanngortinnerani Kalaallit Nunaata Kitaani raajartassanik TAC-p siunissami sinerissap qanittuani angallatinut aamma angallatinut avataasiortunut naligiimmik (50/50-imik) agguaannejarterlernissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.”

Ataatsimiititap allannguutissatut siunnersuutaat pillugu Naalakkersuisut akuersissutigineqarnissaannik inassuteqarput, ataatsimiititap agguasseriaatsinut killissarititat alannguuteqartinnginnerani siumut ilimasaarereernissaq pissasoq siunnerfigimmagu. Allannguutissatut siunnersuut sapinngisamik Naalakkersuisut ilanngutissavaat aamma Ukiakkut ataatsimiinnissami 2017-mi aalisarneq pillugu Inatsisartut inatsisissaattut siunnersuuteqarnissamut saqqummiussinissamut sulinermi ataatsimiititap isumaliutissiissutai ilanngullugit Naalakkersuisut suliaqassapput.

Siunnersuutip suliarineranut atatillugu piffissaliunneqarsimasut pillugit ataatsimiititap isumakuluutaat Naalakkersuisut naggataatigut oqaaseqarfigerusuppaat. Siunnersuutip

tunniunneqarnissaanut atasumik Naalakkersuisut maanna pilersaarutaat aatsaat ataqatigii-sinnejarsinnaavoq kingunerisassanik misissuinerit il.il., tusarniaanermut piffissarititat aamma tusarniutinut akissuteqaatit suliarineri piffissami aggustimi aamma septembaari 2017-imi pisinnaappata. Tamatuma kingunerisussaassavaa Naalakkersuisut inatsisissatut siunnersuutip Inatsisartuni suliarineqarnissaanut kingusinnerusukkut nalunaaruteqarnissammik Inatsisartut Allattoqarfianut qinnuiginninnermikkut saaffiginnissuteqartariaqassammata.

Taamatut oqaaseqarlunga allannguutissatut siunnersuut Inatsisartunut oqaluuserisassangortippa.